

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

D.Chiliano Goltstein S. D.

[urn:nbn:de:bsz:31-312770](#)

benevolentiam uiri optimi patris tui erga me completi debo. Itaq; ualde opto, ut huius meæ uoluntatis significationem aliquam ostendere tibi possem. Si nos etiam fortuna coniunxerit, efficiam summo studio, ut intelligas & te mihi charissimum esse, & me pro uirili conaturum animi gratitudinem patri tuo de me preclarè merito declarare. Christus te seruet, & studia tua gubernet, ad tuam & Reipublicæ salutem. Meis uerbis honestissimam matronam matrem tuam reuerenter salutato. Vale.

D. Chiliano Goltstein S. D.

Gratulor tibi filium natum: & Christū precor, ut seruet te & uniuersam familiā in columem. Multe fuerunt cause, cur sub discessu scholæ domi esse cupiebam: sed in his non postrema cura erat de te, & Longicampiano. Nuper etiam scripsi de illo Iohanni Pomerano. Spero tamen fore ut breui isthuc proficiscatur. Seydlero existimo nos recte prospereuros esse. Apelles huc misit quandam suum etiam amicum: is cras hinc ad equitem quandam ibit, ut petat exercitū in illius Ecclesia: cui cūm prospereū erit, habeo quō Seydlerum mittam. Sin ille eques recusauerit Apelli amicū accipere, modò res sit integra, & Seydlerum mittam. Si totam Thuringiā perlustrauerimus, iuuari plures poterūt: quād iam possunt, inspectis tantum tribus prefecturis.

y 3 Vbiq;

Vbiq; multum est indoctissimorum pastorum. Sed illi ejici non possunt: ita sit ut iaceant & negligantur etiam eruditi, dum uirtutis præmia possident ilia hominum monstra. Longicampicano dices meis uerbis multam salutem. Bene uale.

Reuerendo uiro, Georgio, pastori Ecclesiae Dei in urbe Arctoa, fratri suo charissimo S. D.

Reuerende uir, & charissime frater. Dolco tam rabiem esse calumniandi, ut etiam uirus euomant sycophantis contra Grammaticam. Dum nos uocabulorum etymologias querimus, ut me quidem grammaticum decet, & consideratio antiqui uestitus nos de ueterum modestia admonet (ut Aeschines laudat grauitatem Solonis, quem ait nec maximum in dicendo protulisse extra pallium:) interea quidam εὐτρόπελοι dixerūt, me uelle renouare adorationē lacerarum caligarū Iosephi. Sed etiam si derideor, tamen tibi grammaticas interpretationes de calceis et sandalijs mitto, etc. Commendo autem tibi hunc auditorem nostrum Bartholomeū Georgium, natum in Salinis, orphanū: qui rem iustam petet ab illustrissimo & reuerendissimo principe Sigismundo, ut mandet à ciue quodam in Salinis debitam pecuniā heredib. dari. Mandata Principis illustrissimi petit, quæ ut impetrat, quo ut cum